


歷代甲子考  
元考  
疑年表  
三國紀年表





江苏工业学院图书馆  
藏书章

黄宗羲著



同 考 元 改

著 公 肅 吳



表 年 疑

學 楨 日 汪



三 國 紀 年 表

周 嘉 猷 撰

# 歷代甲子考

清 黃宗羲著

按歷代甲子。自魯隱公元年己未以下。載籍皆可考據。無有異同。乃自隱公以上。其說不能歸一。然準之歷算。莫如武王克商。周公營洛。成王顧命三者。得其時日。則是非不難辨矣。故授時伐紂。以至春秋。一從漢志。漢志魯世家。魯公伯禽四十六年。孝公四年。煬公六十年。幽公十四年。微史記作魏公五十年。厲公三十七年。獻公五十年。慎公三十年。武公二年。懿公九年。伯御十一年。孝公二十七年。惠公四十六年。凡伯禽至惠公三百八十六年。伯禽以成王元年癸巳歲即位。至康王十六年戊寅歲薨。惠公以平王三年癸酉歲即位。至平王四十八年戊午歲薨。中間所歷甲子。自第二十八而上。嬴三十一歲。自第三十三而下。縮五歲。由成王上推。周公攝政七年。武王克殷後七年而崩。故伐紂之歲。斷以爲己卯也。而史記魯世家。伯禽四十六年。孝公四年。煬公六年。幽公十四年。魏公五十年。厲公三十七年。獻公三十二年。慎公三十年。武公九年。懿公九年。伯御十一年。孝公二十七年。惠公四十六年。凡三百二十一年。較漢志差六十五年。以惠公末年戊午上推。戊午當平王四十八年。則伯禽元年在第二十八甲子下。戊戌歲也。戊戌爲成王元年。由成王上推。周公攝政七年。封禪書曰。武王克殷二年。天下未甯而崩。崩在庚寅歲。故伐紂之年爲

戊子也。如此則銷卻一甲子。第二十八即第二十七矣。竹書紀年。成王丁酉歲即位。在位三十七年。康王二十六年。昭王十九年。穆王五十五年。共王十二年。懿王二十五年。孝王九年。夷王八年。厲王二十六年。宣王四十六年。幽王十一年。平王四十八年。惠公卒。凡三百二十二年。與史記魯世家先一年。以伐紂在庚寅。較史記後二年。此記事稍有參差。其甲子大略相同也。黃石齋先生主張史記以爲武王克殷。戊子歲。以授四分校之。戊子歲。周正月癸卯合朔。甲寅冬至。以某按之。又未必然。武成惟一月壬辰。旁死魄。越翼日癸巳。王朝步自周。于征伐商。既戊午。師逾孟津。癸亥。陳於商郊。甲子昧爽。會于牧野。泰誓又曰。一月戊午。師渡孟津。左氏外傳曰。王以二月癸亥夜陳。禾畢而雨。據石齋以癸卯爲正月朔。則壬辰癸巳爲前月十九二十日矣。經何以言一月也。癸卯朔則癸亥爲月內之二十一日矣。外傳何以言二月也。信漢志不如信史記。信史記又不如信經文也。石齋又以月旁死魄在望後。生魄在望前。謂壬辰是十六日。非朔二月。夫經言壬辰是一月。又言戊午亦一月。壬辰與戊午相距二十七日。若旁死魄在望後。是月甯復有戊午哉。又武成厥四月哉。生明。王來自商。至于豐。丁未。祀于周廟。越三日庚戌。柴望。大告武成。既生魄。庶邦冢君暨百工。受命于周。觀其序。生魄于生明之後。則生魄之爲望後。明矣。生魄既在望後。則死魄之爲望前。亦明矣。若以授時步。戊子歲。距至元辛巳一千三百三十三年。中積八十五萬二千一百一十四日。八千五百二十四分。冬至甲子。經朔癸丑。與石齋所言無一合者。則武王代紂之必非戊子也。當從班氏

以己卯爲準。而後春秋以上之時。日始可得耳。

第一甲子。黃帝元年。

第二甲子。黃帝六十一年。

第三甲子。少昊二十一年。

第四甲子。少昊八十一年。

第五甲子。顓頊五十七年。

第六甲子。帝嚳二十九年。

第七甲子。帝堯二十一年。

第八甲子。帝舜九年。

第九甲子。夏禹八年。

第十甲子。仲康三年。

第十一甲子。寒浞十五年。

第十二甲子。帝槐四年。

第十三甲子。帝不降四年。



第十四甲子。帝局五年。

第十五甲子。孔甲二十三年。

第十六甲子。桀二十二年。

第十七甲子。商太甲十七年。

第十八甲子。太庚十五年。

第十九甲子。太戊二十一年。

第二十甲子。仲丁六年。

第二十一甲子。祖辛十年。

第二十二甲子。祖丁二十九年。

第二十三甲子。盤庚二十五年。

第二十四甲子。武丁八年。

第二十五甲子。祖甲二年。

第二十六甲子。武乙二年。

第二十七甲子。紂十八年。

- 第二十八甲子。周康王二年。  
第二十九甲子。昭王三十六年。  
第三十甲子。穆王四十五年。  
第三十一甲子。孝王十三年。  
第三十二甲子。共王五年。  
第三十三甲子。幽王五年。  
第三十四甲子。桓王三年。  
第三十五甲子。惠王二十年。  
第三十六甲子。定王十年。  
第三十七甲子。景王八年。  
第三十八甲子。敬王四十三年。  
第三十九甲子。威烈王九年。  
第四十甲子。顯王十二年。  
第四十一甲子。赧王十八年。

第四十二甲子秦始皇十年。

第四十三甲子漢文帝三年。

第四十四甲子武帝元狩六年。

第四十五甲子宣帝五鳳元年。

第四十六甲子平帝元始四年。

第四十七甲子明帝永平七年。

第四十八甲子安帝延光三年。

第四十九甲子靈帝中平元年。

第五十甲子蜀後主延熙七年。

第五十一甲子晉惠帝永興元年。

第五十二甲子哀帝興甯二年。

第五十三甲子宋文帝元嘉元年。

第五十四甲子齊武帝永明二年。

第五十五甲子梁武帝大同十年。

- 第五十六甲子。隋文帝仁壽四年。
- 第五十七甲子。唐高宗麟德元年。
- 第五十八甲子。元宗開元十二年。
- 第五十九甲子。德宗興元元年。
- 第六十甲子。武宗會昌四年。
- 第六十一甲子。昭宗天祐元年。
- 第六十二甲子。宋太祖乾德二年。
- 第六十三甲子。仁宗天聖二年。
- 第六十四甲子。神宗元豐七年。
- 第六十五甲子。高宗紹興十四年。
- 第六十六甲子。甯宗嘉泰四年。
- 第六十七甲子。理宗景定五年。按時以元至元十七年庚辰歲冬至爲歷元。若上考自歷元至甲子積一十七年。
- 第六十八甲子。元泰定元年。下驗自歷元至甲子積四十四年。
- 第六十九甲子。明洪武十七年。

第七十甲子。正統九年。

第七十一甲子。宏治十七年。

第七十二甲子。嘉靖四十三年。

第七十三甲子。天啓四年。

# 改元考同

清 宛陵吳肅公晴巖著

宋竇儀知乾德爲蜀孟昶年號。予讀史有異代同元者。彙次如左。以備參考。

稱建武者五。漢光武。晉元帝。趙石虎。齊明帝。西燕慕容忠。

潮按晉惠帝亦稱建武。

稱建元者三。漢武帝。南齊高帝。晉康帝。

按劉聰、苻堅俱亦稱建元。

稱元興者二。漢和帝。晉安帝。

按孫皓亦稱元興。

稱永初者二。漢安帝。南晉和帝。按史無南晉名目。

按宋武亦稱永初。

稱太始者三。漢武帝。晉武帝。宋明帝。

按侯景前涼張元靚俱亦稱太始。又按晉武帝、劉宋明帝、泰始非太始字。

稱太和者四。魏明帝。晉帝奕。北魏孝文帝。唐文宗。

按石勒、李勢、楊行密、子楊溥俱稱太和。

稱延興者二。南齊海陵王。魏孝文帝。

稱永元者二。漢和帝。齊東昏侯。

按前涼張茂亦稱永元。

稱建興者三。漢後主。晉愍帝。吳孫亮。

按蜀李確、燕慕容垂俱亦稱建興。

稱至德者二。陳後主。唐肅宗。

稱真元者二。唐德宗。金完顏亮。

稱永泰者二。南齊明帝。唐代宗。

稱永安者二。吳景帝。晉惠帝。

按前涼張寶元、魏孝莊帝、北涼沮渠蒙遜俱亦稱永安。

稱元康者二。漢宣帝。晉惠帝。

稱永興者二。漢桓帝。晉惠帝。

按元魏明元帝魏冉閔秦苻堅俱亦稱永興。

稱太初者三。宋元凶劭。秦伏乞乾歸。南涼禿髮烏孤。按綱鑑作爲孤。

按漢武帝秦苻堅亦稱太初。

明成廟稱永樂。前代涼張重華。南唐妖賊張遇賢。宋方臘皆稱永樂。

明英廟稱天順。金楊安兒反。建元天順。元阿速急八亦稱天順。

明武廟稱正德。夏主李乾歸亦稱正德。正德紀元。詔冢宰試題曰。宰相須用讀書人。蓋譏之也。

明熹廟稱天啓。梁永嘉王莊亦稱天啓。魏徐州元法僧舉兵反。亦稱天啓。南詔亦稱天啓。司鑰庫有歷代

古錢。逆賢專政。濫賜無遺。一日檢得天啓錢大小數枚。甚古。徧問無知者。

潮按同元者尙不止此。補錄於後。

稱元和者二。漢章帝。唐憲宗。

稱元嘉者二。漢桓帝。宋文帝。

稱元熙者二。晉恭帝。漢劉淵。

稱太元者三。吳大帝。晉孝武帝。前涼張駿。

稱太平者五。吳會稽王。梁敬帝。隋時林士宏。北燕馬跋。遼聖宗。



稱太康者三。晉武帝。陳文帝。陳文帝乃天康非太康。遼道宗。

稱太安者四。晉惠帝。秦苻丕。元魏文成帝。後涼呂光。

稱太興者二。晉元帝。北燕馮宏。

稱太寧者三。晉明帝。趙石虎。北齊武成帝。

稱天漢者二。漢武帝。蜀王建。

稱天璽者二。吳烏程侯。北涼沮渠段業。

稱天正者二。梁豫章王。武陵王紀。

稱天興者三。元魏道武帝。劉武周。金哀帝。

稱天保者二。北齊高洋。北梁明帝。

稱天統者三。北齊後主。元魏時漢邢果。明玉珍。

稱天德者三。前南梁時李賁。閩王延政。金海陵王。

稱天授者三。元魏時劉獲。唐武后。西夏元昊。

稱天成者三。唐安慶緒。後唐明宗。後周宣帝。乃大成非大成。

稱天福者二。後漢石敬瑭。漢劉知遠襲稱。